

**INFORMACIJA
O OSTVARIVANJU PRAVA PRIPADNIKA BORAČKIH POPULACIJA PUTEM
SLUŽBE ZA BORAČKO INVALIDSKU ZAŠTITU**

UVOD

U skladu sa utvrđenim i donesenim Programom rada Općinskog vijeća Tešanj za 2018. godinu, Općinsko vijeće jednom godišnje razmatra Informaciju o ostvarivanju prava pripadnika boračkih populacija putem Službe za boračko-invalidsku zaštitu i opću upravu. Informacija ima za cilj prikaz ostvarenih prava pripadnika branilačke populacije prvenstveno sa podacima koji se odnose na 2017. godinu ali takođe i ranije godine kako bi imali kompletan pregled iz koga bi se mogao vidjeti pokazatelji iz ove oblasti.

I NADLEŽNOST OPĆINE I SLUŽBE ZA BORAČKO INVALIDSKU ZAŠTITU I OPĆU UPRAVU KAO I ZAKONSKI PROPISI IZ OVE OBLASTI

Kada su u pitanju propisi koji se odnose na ovu oblast onda možemo istaći da je za sva boračka prava isključiva nadležnost Federalnog i Kantonalnog nivoa dok je općinski nivo samo tehnička podrška u smislu ostvarivanja prava.

Federalni zakoni

Zakon o prijevremenom povoljnijem penzionisanju branilaca odbrambeno-oslobodilačkog rata ("Službene novine Federacije BiH", broj 43/13 /05.6.2013.)

Zakon o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH", broj 82/09 /30.12.2009.)

Zakon o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 70/06, 9/10)

Zakon o pravima branilaca i članova njihovih porodica («Službene novine Federacije BiH» , broj 33/04 /26.06.2004., 72/07,9/10)

Izmjene i dopune zakona

Zakon o izmjenama i dopunama Zakona o pravima branilaca i članova njihovih porodica ("Službene novine Federacije BiH" broj 72/07/ 10.10.2007.)

Zakon o izmjenama i dopunama Zakona o pravima branilaca i članova njihovih porodica ("Službene novine Federacije BiH" broj 9/10,26.02.2010.)

Zakon o dopuni Zakona o posebnim pravima dobitnika ratnih priznanja i odlikovanja i članova njihovih porodica («Službene novine Federacije BiH» broj 70/06 /20.11.2006.)

Zakon o izmjenama i dopunama Zakona o pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 9/10/ 26.02.2010.)

Zakon o izmjeni zakona o posebnim pravima dobitnika ratnih priznanja i odlikovanja i članova njihovih porodica (Službene novine Federacije BiH, broj 90/17, 22.11.2017.)

Zakon o izmjenama i dopunama zakona o pravima branilaca i članova njihovih porodica (Službene novine Federacije BiH, broj 90/17, 22.11.2017.)

Zakon o izmjenama i dopunama zakona o prijevremenom povoljnijem penzionisanju branilaca odbrambeno-oslobodilačkog rata (Službene novine Federacije BiH, broj 90/17, 22.11.2017.)

Kantonalni zakon:

Zakon o dopunskim pravima branilaca i članova njihovih porodica ("Službene novine ZDK", broj 1/14) i podzakonski akti; Uredbe za

- zdravstveno osiguranje,
- banjsko i klimatsko liječenje (medicinska rehabilitacija),
- prednosti u školovanju i stipendiranju,
- osiguranje povoljnijih uvjeta za zapošljavanje,
- vanrednu novčanu pomoć,
- pomoć u rješavanju stambenog pitanja,
- pomoć u slučaju smrti,
- samozapošljavanje i upošljavanje pripadnika boračkih populacija,
- nabavka ortopedskih pomagala i drugih pomagala i njihov popravak,
- pomoć u nabavci udžbenika,
- pomoć u nabavci lijekova.

II FEDERALNI NIVO PRAVA (lična i porodična invalidnina, PL i LI)

U Službi za boračko invalidsku zaštitu i opću upravu općine u okviru Odjeljenja za boračko invalidsku zaštitu po osnovu ovlaštenja i obaveza propisanih odredbama člana 38. Zakona o pravima branilaca i članova njihovih porodica (Sl. Novine Federacije BiH broj:33/04, 56/05, 70/07 i 9/10) po službenoj dužnosti ili po zahtjevu stranke radi se na donošenju prvostepenih rješenja u predmetima priznanja prava na porodičnu i ličnu invalidninu i ortopedsko pomagalo i za ista je obavezna revizija u skladu sa zakonskim odredbama..

Služba vrši redovni mjesečni obračun invalidnina za cca. 1188 korisnika porodične i lične invalidnine i isti dostavlja Kantonalnom ministarstvu za boračka pitanja koji u skladu sa važećim propisima podatke od svih općina Ze-Do kantona dostavlja na združivanje sa ostalim dijelom korisnika boračko-invalidske zaštite Federalnom ministarstvu za pitanja boraca i invalida odbrambeno-oslobodilačkog rata koji vrši isplatu istih korisnicima putem banaka. **Na ovaj način je za korisnike porodične i lične invalidnine općine Tešanj za 2017. godinu realizovano ukupno 3.793.966,86 KM.** U 2017. godini je izdato i 1231 uvjerenje iz službenih evidencija.

Tabela broj:1**Pregled korisnika porodične i lične invalidnine za 2013-2017 godinu koji su na isplati**

KATEGORIJA KORISNIKA	GOD 2011	GOD 2012	GOD 2013	GOD 2014	GOD 2015	GOD 2016	GOD 2017
Porodična invalidnina	673	644	632	614	603	636	616
Lična invalidnina	659	605	626	621	606	617	572
UKUPNO	1332	1249	1258	1235	1209	1253	1188

*Iz navedenih tabela je vidljivo da se smanjuje broj korisnika prava iako u slučaju smrti RVI supruga naslijeđuje 50 % prava tako da se nastavlja voditi kao korisnik sa umanjenim primanjima.

*Broj korisnika se mijenjao i zbog procesa revizije koji je u jednom trenutku izvodio, a kasnije vraćao korisnike u prava (ispravkom u reviziji ili sudskim putem)!

Finasijski pregled ostvarenih prava po godinama

Kao što je u prethodnoj napomeni navedeno broj korisnika prava se mijenja, uslijed smrti ili nekog drugog oblika izlaska iz prava ili uslijed određenih administrativnih i drugih postupaka, kao što je revizija koja je provođena.

Tako je npr. u 2012. revizija je nezakonito (kasnije se to potvrdilo sudskim rješenjima) izvela značajan broj korisnika iz prava, ali ih je veći dio odmah vraćen, a ostali su kasnije na sudu dokazivali status i vraćani u pravo. Kroz reviziju je od 2010. godine nezakonito izvedeno 25 šehidskih porodica u 2011. godini da bi iste godine Federalno ministarstvo vratilo njih 12, a kasnije, presudama Suda u 2013. godini je vraćeno 11 porodica i u 2017. godine preostalih dvoje. Izazvani su određeni problemi, jer nije jednostavno šehidskoj porodici i djetetu reći da nakon 20 godina nisu u toj populaciji, ukinuti primanja, a nakon godinu ili dvije, nakon dokazivanja i sudskog postupka vratiti osobe u pravo.

Takođe kroz reviziju u 2011. i 2012. godine ukinuto je pravo za 64 ratna vojna invalida od kojih je 17 već vraćeno, a ostali su u sudskom postupku kod Vrhovnog suda Federacije. Neki od njih nisu htjeli pokrenuti postupke jer ili nemaju sredstava ili zbog principa i nezadovoljstva. Dodatnih 11 invalida je brisano iz evidencije 2011. godine zbog FMB-2 obrasca, ali su svi vraćeni jer su sudskim putem dokazali svoje pravo. Za sve korisnike koji su vraćeni u pravo su obračunate retroaktivne isplate tako da su nastali dodatni troškovi zbog sudskih postupaka, rada advokata, timova za reviziju itd..

Dodatno ovakav pristup je izazvao veliko nezadovoljstvo svih onih koji su bespravno izvedeni iz prava i isto morali dokazivati kroz sudske postupke, te su u javnosti neki od njih okarakterisani na teške i neprimjerene načine. Primjer za ovo su i brojni tekstovi o lažnim korisnicima (npr., „Spisak 929 lažnih korisnika boračkih prava“ i sl.). Općina je u ovakvim slučajevima nastojala da zaštiti dignitet ovih osoba i dodatnim provjerama smo utvrdili da je riječ o tendencioznim i neistinitim tekstovima u dnevne potrebe. U konkretnom slučaju smo utvrdili da se na tom spisku nalazi 19 imena koja su se vodila na evidenciji za invalidnine kod nas u Službi. 18 njih su roditelji poginulih boraca koji su umrli 2011. ili 2012. godine i na taj način je u redovnom postupku prestalo pravo i jedna udovica poginulog borca koja se udala i tako izgubila status i pravo. Riječ je dakle o redovnim postupcima izvođenja iz prava koja su u javnosti predstavljena drugačije.

Tabela broj:2

Finansijski pregled porodične i lične invalidnine za 2011.-2017. godinu.

GODINA 2011	4.299.251,17
GODINA 2012	4.158.868,02
GODINA 2013	4.289.321,87
GODINA 2014	4.157.691,92
GODINA 2015	3.942.976,87
GODINA 2016	3.855.494,65
GODINA 2017	3.793.966,86

III KANTONALNI NIVO, DOPUNSKA PRAVA


Branioци i članovi njihovih porodica sa područja općine Tešanj, Teslić i dijelom Doboj, u skladu sa Zakonom o dopunskim pravima branilaca i članova njihovih porodica i podzakonskim aktima koje je donijela Skupština i Vlada Kantona u realizaciji istog, ostvaruju slijedeća prava:

- zdravstveno osiguranje,
- banjsko i klimatsko liječenje (medicinska rehabilitacija),
- prednosti u školovanju i stipendiranju,
- osiguranje povoljnijih uvjeta za zapošljavanje,
- vanrednu novčanu pomoć,
- pomoć u rješavanju stambenog pitanja,
- pomoć u slučaju smrti,
- kredit za samozapošljavanje i upošljavanje pripadnika boračkih populacija,
- nabavka ortopedskih pomagala i drugih pomagala i njihov popravak,
- pomoć u nabavci udžbenika,
- pomoć u nabavci lijekova.

U skladu sa podzakonskim aktima korisnici boračko invalidske zaštite u nadležnoj službi općine podnose zahtjeve za ostvarivanje određenih dopunskih prava, te na osnovu istih u propisanoj proceduri Služba donosi rješenje ili prijedlog za odobravanje sredstava, uz saglasnost Ministarstva, zavisno o kojem se dopunskom pravu radi. Po pravosnažnosti rješenja nadležno Kantonalno ministarstvo doznacava sredstva na račun općine Tešanj, koja se transferišu na račune korisnika. Po izvršenim isplatama nadležna služba dostavlja nadležnom ministarstvu akt kojim pravda doznacena sredstva, i time se završava aktivnost po podnesenom zahtjevu za određenim pravom. Generalno u ovim procesima Općina i nadležna Služba imaju samo prenešena ovlaštenja i to u dijelu koji se tiče više tehničke podrške a nikako odlučivanja, postavljanja kriterija, idr.

Pregled realizovanih sredstava po godinama od strane ZDK na osnovu zakona o dopunskim pravima:

	2011. godina	2012. godina	2013. godina	2014. godina	2015. godina	2016. godina	2017. godina
	395.167,26	690.198,56	296.680,10	341.346,10	857.165,68	759.655,75	943.936,31
Sredstva za stambeno zbrinjavanje boračkih populacija iz Budžeta ZE-DO kantona	75.897,83	529.998,56	25.000,00	55000	236.449,50	189.500,00	298.638,61
Sredstva za ostale pomoći boračkih populacija iz Budžeta ZE-DO kantona	182.869,43	189.037,60	160.844,10	158057,1	449.348,18	404.473,75	321.097,70
Sredstva za stipendije studentima boračkih populacija iz Budžeta ZE-DO kantona	136.400,00	160.200,00	110.836,00	128.289,00	171.368,00	165.682,00	324.200,00



Pomoć boračkim populacijama po zakonu o dopunskim pravima ZDK 2011.-2017. godine.

Transferi preko budžeta općine Tešanj 2015. i 2016. godine su u velikoj mjeri vraćani dugovi iz prethodnog perioda što je vidljivo i na predstavljenom grafikonu.

U navedenoj tabeli nisu prikazani iznosi za banjisko liječenje i zdravstveno osiguranje iz razloga što to Ministarstvo direktno plaća pa nemamo tačan iznos za navedeno ali možemo tabelarno prikazati broj korisnika sa područja općine Tešanj.

Pregled korisnika za 2011-2017 godinu koji su koristili pravo

KATEGORIJA KORISNIKA	GOD 2011	GOD 2012	GOD 2013	GOD 2014	GOD 2015	GOD 2016	GOD 2017
Banjnsko liječenje	54	51	45	41	51	38	38
Zdravstveno osiguranje	17	7	21	131	150	304	309

Broj podnesenih zahtjeva za dopunska prava za 2017. godinu putem službe općine Tešanj								
Naziv postupka	Broj zahtjeva	Uvaženo zahtjeva	Odbijeno zahtjeva	Nerješeno zahtjeva	Odobrena sredstva u 2017.	Dugovana iz 2016. i ranije	Isplaćeno u 2017. godini	Neisplaćeno/dug iz 2017.
JNP putem org.uprave (općinska sredstva)	386	376	10	-	50.552	-	50.552	-
Dodjela prehrambenog paketa (općinska sredstva)	179	179	0	0	16.099	-	16.099	-
Vanredna novčana	360	344	16	-	94.750	-	86.000	8.750 tekući zahtjevi iz decembra 2017.
Zahtjev za pomoć u liječenju	319	277	29	13	95.550	-	92.100	3.450 tekući zahtjevi iz decembra 2017.
Nabavka ortopedskog pomagala	5	4	1	0	4.392	-	4.392	-
Pomoć u nabavci udžbenika	356	344	12	0	43.900	-	43.900	-
Pomoć u stambenom zbrinjavanju (Kanton)	83	24	56	3	135.134	-	135.134	Konkursna procedura okončana krajem decembra, isplaćeno početkom 2018. god.
Zahtjev za odobrenje stipendija	148	137	11	0	-	-	125.400	Završen konkurs studijsku godinu, potpisani ugovori 190 stipendija
Banjsko liječenje	126	38	77	11	-	-	-	-
Pomoć u snošenju troškova dženaze	83	74	5	4	67.485	-	67.485	-
Zahtjev za ličnu invalidninu	5	0	5	0	-	-	-	-
Samozapošljavanje i upošljavanje pripadnika boračkih populacija	64	54	10	0	324.200	-	324.200	(Prebačena sredstva 54.000 KM, uplata korisnicima ide kvartalno)
Zahtjev za porodičnu invalidninu	32	25	0	7	-	-	-	-
Zdravstveno osiguranje	42	30	4	8	-	-	-	-
Ukupno	2.188	1.906	236	46	1.027.555	-	943.936,31	12.200,00

U tabelama su prikazana sva davanja prema boračkim populacijama koja se tiču osnovnog Zakona i Zakona o dopunskim pravima boračkih populacija iz čega je vidljivo da je u 2017. godini boračkim populacijama na području općine Tešanj i Teslić isplaćeno **3.793.966,86** KM za porodične i lične invalidnine a za prava po Zakonu o dopunskim pravima od strane ZDK odobreno **943.936,31** KM od

čega je do kraja 2017. godine korisnicima isplaćeno 756.128,00 KM a sredstva za zapošljavanje od 54.000 KM su doznačena Općini ali se prebacuju korisnicima kvartalno jer je takva procedura definisana ugovorom. Takođe početkom 2018. godine su isplaćena sredstva i za pomoć u stambenom zbrinjavanju boračkih populacija u iznosu od 135.134 KM obzirom da je procedura okončana krajem decembra 2017. godine.

Ne možemo finansijski prikazati iznose koji se tiču banjskog liječenja i zdravstvenog osiguranja jer Služba ne vodi finansijske pokazatelje za ovo pravo nego samo broj odobrenih tretmana i zdravstveno osiguranih lica. Takođe nisu prikazana ni primanja za dobitnike najvećih ratnih priznanja jer te isplate kao i obračune radi Federalno ministarstvo. U skladu sa Zakonom Federalno ministarstvo takođe odobrava pomoć u liječenju gdje nemamo podatke o odobrenim sredstvima te zbog toga i nije prikazano u ovoj informaciji.

Iz navedenog je jasno da je u prethodnoj godini isplaćeno oko 5.000.000 KM po raznim osnovama boračkim populacijama na području općine Tešanj i Teslić.

Tu su vidljivi pozitivni pokazatelji i značajan napredak u odnosu na raniji period što se tiče korištenja dopunskih prava iz Zakona, a to uveliko olakšava i rad Službe, te konkretnije rješava probleme boračkih populacija kroz redovne uplate od strane Ministarstva te isplata zaostalih dugovanja.

U toku 2017.godine za potrebe stambenog zbrinjavanja podneseno je ukupno 83 zahtjeva za pomoć u stambenom zbrinjavanju boračkih populacija, a na osnovu kriterija koje je odredilo Ministarstvo za boračka pitanja Zeničko-Dobojskog kantona pozitivno su riješena 24 zahtjeva i za iste je Ministarstvo uplatilo sredstva.

Kada je u pitanju podrška zapošljavanju boračkih populacija putem Ministarstva kroz izmijenjenu konkursnu proceduru su podržani zahtjevi za samozapošljavanje i to kroz registraciju preduzeća ili putem RPG (upisa u registar poljoprivrednih gazdinstava), te upošljavanje kroz pomoć u plaćanju obaveza uposlenicima (socijalno, penziono), pripadnicima boračkih populacija sa prostora Općine Tešanj. Značajno je spomenuti da su u 2017. godini 54 korisnika iz reda boračke populacije dobila podršku za pomoć u zapošljavanju od strane Ministarstva a konkurs je objavljen i za 2018. godinu i trenutno je u toku gdje mogu zainteresovani izvršiti apliciranje.

U toku 2017.godine, vršila se redovno isplata u segmentima dopunskih prava, tako da je korisnicima boračko-invalidske zaštite sa prostora Općine Tešanj i Teslić vršena isplata svih obaveza: vanredne novčane pomoći, troškova liječenja, dženaze, stambeno zbrinjavanje, ortopedskih pomagala.

Kad je u pitanju zdravstveno osiguranje pripadnika boračkih populacija, redovno se zahtjevi rješavaju i pozitivna je promjena da su promjenjeni propisi te isti olakšavaju korištenje ovih prava jer korisnici dobijaju trajno pravo a ne kao ranije privremeno do šest mjeseci.

IV SARADNJA SA BORAČKIM UDRUŽENJIMA:

Sva udruženja građana registriraju se prema Zakonu o udruženjima i fondacijama (Sl. novine Federacije BiH, br. 45/02) u kojem je navedeno kako se udruženja osnivaju, registriraju i kako se vrši nadzor nad njihovim radom. Općinsko vijeće na svojoj 23. sjednici održanoj dana 30.11.2006. godine (Odluka o proglašavanju nevladinih organizacija od posebnog interesa, Sl. glasnik 9/06) je proglasilo između ostalog i boračka udruženja kao udruženja od posebnog interesa.

Općina je kada su u pitanju boračka udruženja, saradivala isključivo sa temeljnim boračkim organizacijama (PPBiŠ, RVI, JOB, Udruženje dobitnika najvećih priznanja, UBNOR – koji je u zadnjih 10 godina više puta mijenjao ime). Postoje formalno registrirana i druga udruženja na području općine, ali nije bilo saradnje kkoja bi uključivala finansiranje rada tih udruženja. Generalno Općina ima dobru saradnju sa boračkim udruženjima na području općine Tešanj i redovno se iz budžeta isplaćuju dotacije za redovan rad i to za slijedeća udruženja:

- Organizacija porodica šehida i poginulih boraca Općine Tešanj, -12.000 KM, Sredstva udruženje troši za troškove rada sekretara, plaćanje struje, vode, grijanja, smeća, knjigovodstvene usluge, kancelarijski materijal, telefon, idr.

- Organizacija ratnih vojnih invalida Općine Tešanj, -12.000 KM, Sredstva udruženje troši za troškove rada sekretara, plaćanje struje, vode, grijanja, smeća, knjigovodstvene usluge, kancelarijski materijal, telefon, idr.

- Jedinstvena organizacija boraca Općine Tešanj, -12.000 KM Sredstva udruženje troši za troškove rada sekretara, plaćanje struje, vode, grijanja, smeća, knjigovodstvene usluge, kancelarijski materijal, telefon, idr.

- Udruženje dobitnika najvećih ratnih priznanja „7 jug“ Tešanj 6.600
Sredstva udruženje troši za troškove rada sekretara, plaćanje struje, vode, grijanja, smeća, knjigovodstvene usluge, kancelarijski materijal, telefon, idr. i
- Udruženje boraca narodnooslobodilačkog antifašističkog rata Tešanj, - 3.600 KM
Sredstva udruženje troši za troškove rada udruženja, knjigovodstvene usluge, kancelarijski materijal, telefon, idr.

Takođe na račun ovih udruženja redovno isplaćujemo sredstva za pomoć pripadnicima i članovima ovih udruženja. Na godišnjem nivou, a u skladu sa budžetom općine Tešanj i Odlukom o izvršenju budžeta se na račun udruženja izvrši transfer od 71.800 KM koja su predviđena za pomoć članovima ovih udruženja i to na slijedeći način:

1. Organizacija porodica šehida i poginulih boraca Općine Tešanj, 18,000 KM

Udruženje ova sredstva troši namjenski i na godišnjem nivou realizuje oko 1000 pomoći članstvu za pomoć u nabavci lijekova u vrijedosti od 10-20 KM. Obzirom da se u velikoj mjeri radi o starijoj populaciji, roditelji poginulih ovo su mala sredstva ali kao interventna pomoć vrlo im je korisna. Uz ovaj vid pomoći redovno vrše obilasku starih i bolesnih, te daju pomoć u slučaju smrti obzirom da u udruženju imaju i članarinu kao dodatan izvor prihoda.

2. Organizacija ratnih vojnih invalida Općine Tešanj, -18,000 KM

Organizacija sredstva troši na način da pomaže članstvu kod liječenja, uglavnom je to sufinansiranje lijekova ili troškova nalaza u bolnici a koje moraju platiti. Generalno na godišnjem nivou udruženje realizuje oko 1000 pomoći članstvu za pomoć u nabavci lijekova dok dodatno vrši obilasku članstva u slučajevima teže bolesti ili smrti. Obzirom da udruženje ima članarinu kao dodatni vid finansiranja pomažu značajnije svoje članove.

3. Jedinstvena organizacija boraca Općine Tešanj 30.000 KM

Organizacija sredstva troši namjenski za pomoć u kupovini lijekova boračkim populacijama. Na godišnjem nivou u 2017. godini pomoć za liječenje (lijekove) u visini od 10-20 KM dobilo je 1425 boraca sa dokumentovanim spiskovima. U 2016.godini tu pomoć je dobilo 1830 korisnika. U 2015.g. - 1730. U 2014.g. - 1866. Takođe na godišnjem nivou odobre više prehrambenih paketa za članove koji su u teškoj ekonomskoj situaciji. Organizacija nema dodatne prihode od članarine ili drugih izvora ali ovaj vid pomoći je veoma značajan za boračke populacije.

4. Udruženje boraca narodnooslobodilačkog antifašističkog rata Tešanj -5,800 KM.

Udruženje je u proteklih nekoliko godina više puta mjenjalo naziv (UBNOAR, SUBNOR, itd) a sada se zove Udruženje antifašista i boraca narodnooslobodilačkog rada Općine Tešanj. Za sredstva koja se na osnovu Odluke o izvršenju budžeta doznavačavaju ovom udruženju ne dobijamo kompletan izvještaj nego samo jenom članu udruženja pomažu u visini od 100 KM mjesečno. Živih učesnika NOR-a je 2 (dva) prema podacima Udruženja, kojima se putem ovog udruženja pruža podrška i pomoć iz sredstava koja im Općina doznači.

5. Udruženje dobitnika najvećih ratnih priznanja „7 jug“ Tešanj ne dobija sredstva za pomoć članovima.

Navedena sredstva se koriste za pomoć boračkim populacijama kod liječenja, smrti ili teže ekonomske situacije, obzirom na procedure koja je potrebna za ostvarivanje pomoći preko Ministarstva za boračka pitanja ovo jedan vid značajne pomoći boračkim populacijama jer se odmah realizuje. Na mjesečnom nivou od udruženja podršku i pomoć za lijekove dobije preko 300 članova udruženja (Šehidskih porodica, Demobilisanih boraca ili RVI). Godišnje je to oko 3.000 realizovanih pomoći plus obilazak u slučaju smrti i generalno pomoć i podrška ovim populacijama. Sredstva se koriste isključivo namjenski u skladu sa Odlukom o izvršenju budžeta i na mjesečnom nivou se prebacuju udruženjima. Sva boračka udruženja koja finansijski podržava općina Tešanj redovno mjesečno izvještavaju Općinu o utrošku sredstava. Evidencije sadrže, datum, ime i prezime korisnika, mjesto boravka, osnov zahtjeva i odobreni iznos.

Takođe udruženja su aktivno uključena u projekte koje se tiču obilježavanja značajnih datuma 1992.-1995. godina koje se sprovode u skladu sa Odlukom OV, (dan III korpusa ARBIH, projekat „U ime istine“ koji se realizuje u školama, BiH i Tešanj 1992.-1995. Obilježavanje značajnih datuma na nivou Općine i šire i druge aktivnosti).

Radi razumijevanja odnosa općine i udruženja građana važno je napomenuti da: „Nadzor nad zakonitošću rada udruženja i fondacija vrši nadležni federalni odnosno kantonalni organ uprave u čije područje spada praćenje stanja u oblasti na koju se odnosi djelatnost udruženja ili fondacije.“ (član 47. Zakona o udruženjima i fondacijama.

V REZIME:


Boračko invalidska zaštita u FBiH definisana je Zakon o pravima branilaca i članova njihovih porodica («Službene novine Federacije BiH», broj 33/04 /26.06.2004., 72/07,9/10 i 90/17) i Zakona o dopunskim pravima branilaca i članova njihovih porodica ("Službene novine ZDK", broj 1/14)


1. Shodno ovim zakonima općine su uključene u provođenje ovih zakona putem PRENESENE nadležnosti. To podrazumijeva ograničeno učešće u delegiranim poslovima, povremenu mogućnost predlaganja određenih postupaka, rješenja i slično.
Podijeljene nadležnosti i pozicija općine u ukupnom sistemu ponekad je nezavidna i nepovoljna, svaki put traži angažman, bez mogućnosti odlučivanja, nosi teret prezentovanja javnosti svih rješenja i odluka iz ove oblasti, koje nužno ne moraju biti stav općine.
2. Iz Informacije je vidljivo da su postajale određene oscilacije u visini sredstava namijenjenih za boračko-invalidsku zaštitu i da trenutni trend ukazuje na značajna poboljšanja. Konkretno saradnja sa reosornim kantonalnim ministarstvom u posljednjem periodu imala stalni uspon, što se ne bi moglo reći za period u kojem Kanton nije adekvatno ispunjavao svoje obaveze.
3. Pozitivno je što se u odnosu na socijalnu i sličnu podršku boračkoj populaciji uvode programi zapošljavanja i samozapošljavanja. Općina Tešanj je u tom pogledu snažno animirala zainteresirane i efekti iz 2017. godine su pozitivni, te je potrebno nastaviti s ovim aktivnostima.
4. Općina Tešanj ima definisan način rada kada su u pitanju boračka udruženja, samim time saraduje isključivo sa temeljnim boračkim organizacijama (PPBiŠ, RVI, JOB, Udruženje dobitnika najvećih priznanja, UBNOR – koji je u zadnjih 10 godina više puta mijenjao ime). Ne postoji mogućnost da zabranimo formiranje bilo kojeg udruženja, ali smo u mogućnosti opredjeljivati se za saradnju.

Prilog:


1. Kopija javnih poziva iz 2017.g.
2. Kopija izvještaja boračkih udruženja za jedan mjesec 2017.
3. Kopija presude za jednog od RVI.

OBRADIVAČ:
POMOĆNIK NAČELIKA ZA
BORAČKO INVALIDSKU ZAŠTITU I
OPĆE POSLOVE


Sabahudin Omerbašić, prof



PREDLAGAČ:
OPĆINSKI NAČELNIK


Mr.sc. Suad Huskić

Broj: 08-41-6-739-2/18
Tešanj: 02.04.2018. godine